

**Associatioun**



**Memberschaft**



**Hackerspace**



**Projeten**



**Matschaffen**



## Dir wëllt mat eis an Kontakt kommen?

Dir kënnt eis eng Email schécken op [info@c3l.lu](mailto:info@c3l.lu) oder iwwer Mastodon: [@c3l@social.c3l.lu](https://social.c3l.lu/@c3l). D'Press a Medie sollen [press@c3l.lu](mailto:press@c3l.lu) benotzen an Press Säit ukucken. Opgepasst! Mir all bedreiwen dee Club niewebäi als Hobby. Erwaart iech also keng regulär Ëffnungszäiten oder eng direkt Äntwert op är E-Mails oder Uriff! Èiert dier eis kontaktéiert, lies iech dës [FAQ](#).

Natierlech kënnt dir och eng Kéier an eisen Hackerspace "ChaosStuff" laanscht kommen.

Mir hunn een oppenen Channel ob eisem [XMPP](#) an [Matrix](#) Server. Jiddereen, ass häerzlech Wëllkomm, mat eis ze chatten:

- **XMPP:** l@conference.c3l.lu
- **Matrix:** #c3l:matrix.c3l.lu

## Evenementer

Een Iwwerbléck vun de nächsten Evenementer souwéi Aktivitéiten, fannt dir hei drënner. Fir eng komplett Lëscht, kuckt d'[Evenementer Säit](#) oder abonnéiert eisen [Atom Feed](#).

- [WHY2025](#) (2025/08/08 17:00 - 2025/08/12 16:00)
- [ChaosMeeting](#) (2025/08/25 20:00 - 23:00)
- [ChaosMeeting](#) (2025/09/29 20:00 - 23:00)

## Wöchentlech Treffen

**ChaosMeetings** sinn normaler Weis all **läschten** Méinden vum Mount um 20 Auer an der [ChaosStuff](#) oder online.

Mir sinn momentan:



## Vergaangen Evenementer

- [ChaosMeeting](#) (2025/07/28 20:00 - 23:00)

# Neiegkeeten

## Vorratsdatespäicherung - Eng never ending story



2014 huet deen europäeschen Gerichtshaff fir d'éischte Kéier an engem Urteil festgehalen, dass Vorratsdatespeicherung esou net dierf weider applizéiert ginn. Eiser Regierung war dëst awer häerzlechst egal.

Et huet een sech èmmer hannert enger Léisung op EU Niveau verstoppt, déi awer ni zu Stane komm ass. Legal war dëst natierlech net, mee d'Grondrechter vun de Bierger kann een jo mat Féiss trëppelen. No 8 Joer ass et dann elo endlech esou wäit an een Projet de Loi läit fir.

Kann een mat dësem Projet de Loi zefridde sinn? Dat ass séier mat engem fatzegen Nee!, beäntwert. Dëse Projet de Loi gesäit weiderhin fir, dass massiv Donnéeën vun de Bierger gesammelt an 6 Méint laang mussen gespäichert ginn. Anscheinend huet een sech net genau mat deen Urteeler beschäftegt well an deenen steet klipp a kloer: D'Iwwerwaachung muss op een strikten Minimum limitéiert ginn. Wat dorunner net ze verstoen ass, froe mir eis och. Eis Regierung, huet et sech einfach gemaach an orientéiert sech ferm un der Belsch. Keng eegen Iddien, keng eegen Recherchen, keng Eegeberantwortung.



### Fun with metadata

Source [Medium](#)

Author [Matt Bors](#)

Wann een, esou wéi mir dat schonns vun Ufank u maachen, d'VDS kritiséiert, dann gëtt jee no Gusto, d'Terror- oder organiséiert Verbriechen-Keul ausgepaakt. Dobäi erwäant d'Ministesch awer net, datt all Zort vun Klengkriminalitéit ènnert d'VDS fält. Sou soll Justiz Zougrëff op déi Daten kréien, wann d'Héchststrof fir eng Dot bei op mannst, engem Joer Prisong läit. Dorënner fält zimmlech vill, sou zum Beispill och, Beleidegung vun engem Députéierten. Dat huet deemools souguer den Xavier Bettel kritiséiert. Den Ex Minister Braz wollt dowéinst och 33 Strofdoten am Gesetz veranker, wéini d'VDS géif gräifen. Dozou koum et awer ni. Den EU Gerichtshaff huet et 2014 zu enger Bedingung gemaach, datt bei enger VDS, d'Beruffsgeheimnis extra misst geschützt ginn. Am Projet de Loi fénnt een derzou näischt. Och keen Wuert zum Quelleschutz vun den Journalisten. Alles gekonnt ignoréiert ginn.

Vu wéi engen Daten schwätzen mir hei? Vun den sougenannten Metadaten. Wa mir lo een Uruff als Beispill huelen, dann gëtt Folgendes fir 6 Méint gespäichert:

- D'Auerzäit
- D'Längt
- Mat wiem telefonéiert gouf.
- Vu wou telefonéiert gouf.
- Eventuell souguer mat wéi engem Telefon, wat fir eng Software drop leeft asw

Zwar gëtt den Inhalt vum Uruff net gespäichert mee mat den Metadaten kann een ganz séier Réckschlëss op den Inhalt zéien. Wann dir zum Beispill engem Affekot mat Spezialisatioun am Scheedungsrecht urufft, ass séier gekläert èm wat et geet. Wann dir engem Onkolog urufft, geet et

bei dem Gespréich wuel net just ém d'Gripp. Metadaten kënnen also deemno wéi méi interessant sinn ewéi den Inhalt selwer.

Wou "grouss" Massen u Leit beieneen kommen, dierf monter drop lass gespäichert ginn. Och do, wou et een "erhéichten Kriminalitéitstaux" gëtt. Et gëtt awer keng Definitioun wat eng "grouss" Mass ass. Sinn dat 10 Leit? Sinn dat der 100 oder 1000? Wou ass, deen "Kriminalitéitstaux" dann méi héich? An der Groussgaass? An der Chamber? Op der Tankstell oder am Akafszenter? D'Ministesch gëtt d' Beispill vun der Stater Gare, wou eng VDS weider aktiv bleift. Trëfft dat och op aner Garen zou? Wat ass den geneeën Krittär, datt eng VDS gesetzlech gerechtfäerdeg ass? An wei engen Zonen, dierf iwwerwaacht ginn a wéi eng net? Dat gëtt een net gewuer. Eng "Commission consultative", déi sech hannert zounen Dieren trëfft, hëllt déi Entscheidung.

Déi Kommissioun leet also déi ominéis Zonen fest. Wien an déi Kommissioun kënnt, an op déi Zonen einfach esou kënnen geännert, erweidert oder réckgängeg gemaach ginn, dat ass net weider definéiert. Dat bescht ass awer, datt fir d'éischt Gesetz muss gestëmmt ginn an dann eréischt 3 Méint méi spéit, déi Kommissioun mol zesummen kënnt. Wéi der Däiwel soll een Deputéierten seng Aarbecht maachen, wann nach net mol kloer ass, wou dann elo genee eng Vorratsdatespäicherung weiderhin bestoen bleift?! Een Bericht soll dann och just all 3 Joer, der Chamber präsentéiert ginn. Eng verdachtslos Masseniwwerwaachung kann dach net just all 3 Joer op hier Legitimitéit hin gepréift ginn?

Dat ass dach alles een schlechten Witz.

Elo bléift just nach ze hoffen, datt den Staatsrot een negativen Avis ofgëtt. Eventuell kéint eis Regierung jo mol mat öffentlechen Acteuren schwätzen, déi och Anung vun der Matière hunn a sech net némmen vum SRE oder der Police eppes opschwätzen loassen.

D'Vorratsdatespäicherung ass opgehuewen, sou eis Ministesch. Wat hu mir gutt gelaach!

**Sometimes the scandal is not what law was broken, but what the law allows. - Edward Snowden**

2023/04/21 10:42 · virii  
[news](#)

[Older entries >>](#)

[Archives](#)


---

## Häerzlecht énnerstëtzzt vun:



From:

<https://wiki.c3l.lu/> - **Chaos Computer Club Lëtzebuerg**



Permanent link:

<https://wiki.c3l.lu/doku.php?id=lb:bootstrap>

Last update: **2025/08/03 14:08**